

محراب

نمبر : ۲

۱ شباط ۱۳۴۱

صافی : ۲۶

محراب

اقتصادی ، اجتماعی ، فلسفی ، تاریخی ، ادبی مجموعه
شاید يك آید بر نشر اولنور

مترجمان

اسلام تاریخی : حسین جاہد بک ترجمہ استدیکی تاریخ اسلام حقندہ انتقاد ، یوسف ضیا
ایران ماصالی قریب حسین
آنادولو جغرافیاستہ سلمی بر باقیش ا . ب
تصوف دائماً مظفر در : از میرلی اسماعیل حق بک صوک بر جواب شیخ صفرت
یر یوزندہ و آنادولودہ بوغدا ی منطقہ لری م . شرف
جولده بر سجدہ : مابعد و صوک سمیر جمال اورہ نرس
جانی آئندہ بر فیلسوف : امیل سووستر عبدالحمید ہادی
یکی نشر ایدیلن اترل : قانت و فلسفہ سی ، انتشار اسلام تاریخی ، اخلاق درس لری ، اسوان مجموعہ سی ،
ہلال اخضر جمعیتک بر مکتوبی .

شہزادہ ہانی : اوقاف اسلامیہ مطبعہ سی

۱۳۴۱ - ۱۹۲۰

سنه : ۲

پنجشنبه

صاي : ۲۶



۱ شباط ۱۳۴۱



ایران ماصالی

- مابعد -

اصفهانده بیوک بر تلاش و هیجان حکمفرما ایدی . چونکه شاه نظام‌الدین افغان امیرینه آپانسز اعلان حرب ایتشدی .

خلق ، سرایک قارشیدنده کی میدانده وسوقاقلرده کزینیوردی ؛ عسکر سوقیاتی مراقله تعقیب ایدرک حیاتلرینک سکوتی اخلال ایدن بو وقعه‌نک سببی یکدیگرلرندن مراقله صوریورلردی .

افغان امیرینی بالذات طانیانلر چوقدی . آرا صره اصفهانه واقع اولان سیاحتلری اثناسنده هر درلو آثار مروته کنیدیسی اهاالییه سودیرمکه موفق اولمشدی . آچیق ناصیه‌لی منور فکری ، عالی جناب وجدی بر مسلمان امیری ایدی . شاهک بردنبره بو صلح‌پرور قومشوسنه قارشى اعلان حرب ایتسی ايسه ذهنلری هرج و مرج ایدرک کوکلرده ناخوش بر تأثیر حاصل ایدیوردی .

شاه نظام‌الدین ولی عهدی حرب اعرام ایدیوردی . فیروز میرزایی بفرقه قوماندانلغنه تعیین ایتشدی . میرزا ایکی کون صکره حدود بویته مسارعت ایده جکدی . بوکیجه ايسه سرایده ، کندى شرقه بر وداع ضیافتی کشیده ایدیلیوردی . شاهک امر مخصوصیه حائله شاهینک بالجمله اعضاسی بو طعامده اثبات وجود ایده جکلردی .

ژاله ، سرایده کی او طه‌سنده ، ایشته بوضیافته اشتراک ایچون تالاشله حاضر لانیوردی .

قارشى مدافعه وضعیتى آلماق دکل ، قارئلره همومى برفکرویرمکدر . بوضورتله تفرحات اوزرنده توقف ایتهدم . مع مافیه نظر دقتی جلب ایدن بعض نقطه‌لر یوق دکلدر : قبیله‌حیاتی یاشایانلرده نسب‌فکری اولمازمش والیوم عرب قبیله‌لرنده نسه دقت ایدلیورمش ، جغرافی محیط ايسه او زمانکی عربلرله بوکونکیلر آراسنده فرق حصوله کتیرمزايمش . حالبوکه بزبونلرک عکسنى بیلیورز . مثلاً عربستانده عرب ادبیاتی بدویلر آراسنده تدقیق ایتک ایچون سنه‌لرله اورالرده دولاشان برچوق ذوات طانیرمکه اونلر عربلرک نسه الیوم اعتنا ایتدکلرینی سویلیورلر . کذا مثلاً تورکستانده قیرغیرقازاقلر الان قبیله حیاتی یاشیورلر ، بونلر دخی قبیله اسمنى طاشییان جدلرینه قدرنسبى صایورلر . بونی بالذات قازاق تورکلر سویلیور وکندیلى صایورلر . مؤلف ، بو بابده فی فکرلرینی ایشیده‌رک یازمش وبالذات تحقیق ایتهمش اولدیغی ایچون قیمت علمیه دن محروم اولدیغی کبی بنده عین طرزده بونلره مقابله ایتکی مناسب کورمیورم .

اندام آینه سنک قارشوسنده طورمش بللور کردنه والده سنک صوکه یادکاری اولان فوق العاده کوزل بر صره یاقوتی طاقیوردی .

بوکیجه ، سیماسی اکتسا ایتدیکی دوز بیاض البسه قاداررنکسزدی ؛ لکن کوزلرندن انتشار ایدن شراره لر بتون موجودیتنه ، اوانه قدر کندیسنده نامشهود اولان بر غرابیت بخش ایدیوردی . ژاله بوکیجه پک کوزلدی .

کیمنی اتمام ایتدکن صوکر ا بر کره دها آینه یه باقدی . و بر ادای ظفرله کندی کندیسنه « اوت جاذبم » دییه رک قاپی یه دوغری ایلر ولدیکی ائاده ماه نور بانو آهسته آهسته اوطه یه کیردی ، پک حالسز و مجالسز کورینیوردی . بونکله برابر انظار عالمی جلب ایده جک درجه ده شاهانه بر صورتده طراوتلی ایدی . شاهک کریمه سی اوطه یه کیرر کیرمن هان بر قولتوغه اوتوردی . ژاله یی سراپا سا کتانه سوزدکن صوکر ا بر فتورله « سن نه وقت عودت ایتدک ! » دیه سؤال ایتدی . ژاله آیاقدن طور دینی حالد « یارم ساعتدنبری » جوابی ویردی . بونک اوزرینه کنج قیزلرک ایکسی ده سکوت ایتدیلر بو حال بر مدت دوامدن صوکر ا نهایت ماه نور دایانه مدی ؛ وهان آیاغه قالدهرق « آمان ژاله چیلدیریورم ! برشی سویلسه ک آ ! پت کی یوزمه باقیورسک ! پدرک نه دیور ؟ فیروزی نه دن حربه اعزام ایدیورلر ؟ سویله اه عشقنه سویله » دیه فریاد ایتدی . ژاله اعتدال دمنی بوزمیه رق « ولی عهد فرقه قوماندانی تعیین ایدلدی . طبیعی یارین حرکت ایده جکدر ، پدرم ایسه هیچ برشی سویلیور . کندیسنی پک محزون بولدم ، بوده طبعیدر » دیدی . ماه نور بانو عصیتله دوام ایتدی : « حربه ناظری اعزامنی نه یه تنسیب ایتدی ؟ یا حربده یارالانیرسه ؟ یا شهید اولور ایسه ؟ نه یاپارم ژاله بن ، اووقت نه یاپارم » دیه ایکله دی . ژاله کمال متانتله « ولی عهدی شاه کوندریور ، میدان حرب ایسه تهلکه کی بر یردر ، هر شیئک احتمالی واردر ، فقط هر حالده شهید اولماز » دیدی . ماه نور بانو تلاشله « نصل شهید اولماز ؟ یا بر قورشون اصابت ایدر ایسه ؟ » دیدی . ژاله عظیم بروقارله جواب ویردی . « کرچه اوله بیلیر فقط شهید اولمق ایچول بر مسلمان قورشونیه اوروله مسی لازمکیر ، افغانلیلر ایسه مسلماندرلر . » ماه نور بانو مخاطبنی بر مدت سوزدی صوکر ا « ژاله سن نه غریب بر قیزسک ! بو نقطه یی هیچ دوشونمه مشدم ، حقک واریا ! بن مجرد فیروزی دوشوندم ، حوصله مه اوندن بشقه برشی چیقمیور ، نه یاپهیم اشته سکا اعتراف ایدیورم ، اوکا محاربه ده برشی اولور ایسه بن محقق یاشامام » دیدی . صوکر ا ژاله دن هیچ

بر جواب آملدیغی کورنجه سوزینه دوام ایتدی: «آه سنده بو کیجه برشی سویله میورسک! حسدن محروم کی بارد طور میورسک!»

ژاله معنیدار بر تبسمله «فرط تأثر کیز کوزلر کزک اوکنه پرده چکمش اوله جق که بشقه برشیئک فرقه وارد میورسکز، بر آزدوشونکیز، بن سزه بیگانه دکلم! تفکراتمک نه مرکزده اولدیغی پک ایی تعیین ایده بیلیرسکز ظن ایدرم.» دیدی. فقط ماه نور ژاله یه بر جواب ویرمه دن اول مدعولرک کلمکده اولدقلرینی، گندیسنه اخبار ایتدیلر. ژاله یه تلاشله انجق «آمان صوکر اوطمه کلده قونوشورز.» دییه بیلدی. و اندیشه ناک چهره سنی ساخته بر تبسمله ترین ایده رک شوخ برادای جلی ایله مدبدب نردباندن ایندی ومسافرلری استقباله قوشیدی. دعوتیلر آهسته آهسته کلیورلردی. سوس وزینتلری سرایک محتشم صالونلرنده نادیده چیچکلر ورنکارنک ضیالره امتزاج ایدیوردی. دبده وطننه اورتاسنده یاواش یاواش اجتماع ایدن ایرانک بو زمرة کزیده بی اطرافنه لطیف خنده لر صاحبه رق صالونلرک سکوتی شوخ محبتلره شنلندیریورلردی. سرایده، خوش برهوی صفا و نشاط وزان ایدیوردی.

حربک اعلان ناکهانیسندن هیچ کیمسه متأثر کورنمیوردی، یاخود کورونمائه غیرت ایدیورلردی. مدعولر نقاب صنعتکارانه لرینی طاقمشلر ایدی. ذات شاهی بوکیجه حضورنده هیچ برروی مکدر کورمک ایسته مدیکی ایچون بوجمعی تشکیل ایدن اعضای کرامک چهره لری هپ تأثر دن خالی کورینیوردی.

شاهک ایچری یه دخولیه لیونلقده، یشیلاکمرک آردسنده کیزله نن اینجه سازپک یواش ولطیف بر صورتده اجرای آهنگ ایتمه باشلادی. عقبنده فیروز میرزا عرض اندام ایتدی.

ولی عهدی سهوهار پک چوقدی. فرداسی کونی حدوده عزیمتی ایسه کوکلرده عمیق تأثرلر و مراقلر اوپاندیرمشدی. بو کیجه فوق العاده شوخانه برادا ایله دعوتیلرله سلاملاشدیغی تماشا ایدنلر حال و شاننه برقات ده قاپیلار ق مسشاشا هویتنک جاذبه سنه اولکندن زیاده مغلوب اولدیلر.

فیروز میرزا شاهله کوروشدکن، صاغه صوله بر قاچ کلمه التفات طاغثدقن صوکر صالونک برطرفنده بولانان ماه نورله صحبت قویولدی. فیروز میرزا عموجه زاده سیله تعاظمی

افکار ایدیور؛ فقط نظر لریه متصل زاله بی ارایوردی. نهایت بولدنیغی سالونده وبر بیوک لیلایق دمتک یاننده اولدیغی کوردی. ژاله، اوتوردیغی قولتوقدن قالمادی وضعیتنی ده کیشدیرمه دن فیروز میرزانک خط و حرکتی اوزاقدن تعقیب ایدرک مخاطیله قونوشیوردی. کندیسی فیروز میرزایی سالونه کیرر کیرمز کورمشدی، استقباله شتاب ایتماک ایچون ده همان مسافرلردن بریله درین بر مکالمه دالمق مجبوریتنی حس ایدرک اورا جقمده اوطورمنی تنسب ایتمشدی. حالبوکه فیروز میرزا ژاله بی اوزون اوزون سوزیوردی. ژاله عینی وضعیتده بولیور، فیروز میرزایی هیچ کورمالمش کی داورانیوردی. فیروز میرزا ایسه ژاله نک کندیسنی کورمش اولدیغی ا کلامشدی. مع مافیه ژاله کاه قونوشیور، کاه اطرافنده کیلرله خفیف خفیف کولیوردی. هرکسه اوقادار دلفریب بر صورتده رفاقت ایدیوردی که دعوتلیرک بعضیسنی اطرافنی احاطه ایتشلردی. فیروز میرزا حالا آیاقده طورییوردی؛ و ماه نورک بیتمز توکنمز سئواللرینه انجق مختصر جوابلر ویرمکه اکتفا ایتدیکی حالده ژاله نک کندیسنه قارشى ابراز ایتدیکی معامله غریبه بی تعجیله تماشا ایدیور، طور و حرکتدن بر معنا چیقارمییور، برودتنک سببی کشف ایدر بیلمک ایچون اتعاب ذهن ایدیوردی. ماه نور ایسه بو حالت روحیه سندن هیچ خبردار اولدیغی ایچون عموجه زاده سنه ملاقی اولدیغنه او قدر مسرور کورینیوردی که، نظرنی جهانیه قیامش، اونی سوزیوردی. معیاد مخصوصنده یلک سالونی آچیلدی. وسازلر، سوزلر ارسنده هر کس فوق العاده محتشم و مشعشع بر سفره یه اوطوردی.

شاه متصل قونوشیوردی. عائله سنک یاشده بیوک اولانلرینه خطاب ایدرک «ارتق برعبرت درسی اولسون! دائماً بزمنی از یله لم؟ هر حقارته برسکوت جامده می مقابله ایدرلم؟ طوغریسی انتر یقه دن بزدم! همده افندم بونلر کندیلرینی نامغلوب ظن ایدیورلر. شو جنکاور قومشومزک غروری آرتق تحملفرسا اولدی! دایانه مدم بوصوک معامله سنی بر سبب اتخاذا ایتدم و کندیسنه بر درس ویرمک اوزره اعلان حرب ایتدم. مسئله بوصورنله حل اولنمیدر. بزمن شانلی مخدومی اعزام ایدیورم، ایلک تجربه سیدر. مع مافیه قویاً امید ایدرم که یلک چارق دشمن اردوسنی یریشان ایدر و بزمن مظفرأ عودت ایلر؟ دییه رک ولی عهده پر التفات تبسم ایتدی. فیروز میرزاده عزیمکار بر تشبثله «انشالله افندمن اوامر شاهیلرینی حقیله ایفایه مقتدر اولورم.» دیدی و کوزلری ظفر مستقبلك سعادتیه پارلایه رق تکمیل موجودیتنی تنویر ایتدی.

او ائناده ایدی که نظری ، مزین ماصه نك دیگر طرفنده اخذ موقع ایتیش اولان
 ژاله نك کوزلرینه تصادف ایتدی . بیاض زامباق و قیرمزی قرتقیل دمتلرینک آراسندن
 اوکا حیران حیران باقدی . ژاله بی حیاتنده ایلاک دفعه کورنیورمش کی ، کوزلرینی برمدت
 اوزرندن آیره میهرق اونی استغراقله سوزدی . بوقارشیشنده کی بهم بیاض یوزلی ، بویتمده کی
 یاقوت کردنلقدن بشقه ، وجودنده رنکدن بر اثر قالمامش اولان ژاله ایله برقاق کیجه
 مقدم اصفهانده کی ژاله آراسنده نه قدر فرق واردی ! اونا نه اولمشدی ؟ خسته می ایدی ؟
 بتون موجودیتنده زنده اوله رق یالکز اوفوق العاده کوزلر قالمشدی . او کوزلرده بواقشام
 دهشتلی بر آتش پارلیور . ایکی آلو پارچه سی کیلیمش ، فیروز میرزایه ماصه نك اوته کی
 طرفندن شمشکلر صاچیورلردی . فیروز میرزا بونظرک افاده سی بر آزا دراک ایدیور کی
 ایدی ؟ فقط تماماً اکلایه مدینی ایچون فنا حالدده متأردی ...

دوشونیورری : اعلان حربدمی یوقسه ماه نوردمی نه دن ایلرو کلیوردی ؛ هر حالده
 ژاله نك بو کیجه ده کی غرابتی روحنی صیزلاتیوردی . کوزلرینی ایکی ده برده ، فوق العاده
 بر قوه جاذبه نك تأثیریه مستانه قارشى طرفه عطف ایدیور ، ژاله نك آتشناک نظرینه
 رکز ایدیوردی . برمدت اونا باقماق ایسته دی . فقط اراده سنک فوقنده بر قوت نظرینی
 ینه عینی جهته سوق ایدیوردی .

بوادای الیمه ارتق کیمسه بی کوردمز اولدی . وهیچ یمک ییه مز اولدی . بر آز
 کندیسنی طوبالایه رق اطرافنی سوزمکه مقتدر اولدیغنی زمان طعامک رسمی دعوتلره مخصوص
 اولان بیتمز توکنمز اوزونلغنی آرتق نهایته ایرمکه یاقلاشمش اولدیغنی کوردی .
 فیروز میرزا طعامک صوکنه طوغری کندیسنی بر آز طوبالامغه چالیشدی . بر کره
 بواوطه دن قورتیلوب ژاله بی یالکز بوله بیلسه ! او آزالق خواننده لر کوزل بر شرقی
 سویلیورلردی ، شاه سیاستدن بحث ایدیوردی ، اطرافده کی دلبرلره سفره ینه شن
 وپارلاقدی ، فقط ژاله نك قیغاجملر صاچان او کوزل کوزلری فیروز میرزانک کوکلی
 بوسبتون تهییج وتسمیم ایتمشدی . کندیسنده اولکی نشاط و شطارتدن اثر قالمامش
 معذب و مدهوش طعامک نهایتنی اضطراب ایچنده بکله مشدی .
 برمدت صوکرایمک ختام بولدی . شاه تعقیب ایدن عائله سی ارکانی یمک سالونندن

چیقدیلر .
 ژاله کیمسه یه قاریشمه دن ونظر دقتی جلب ایتیه رک یاواشجه لیونلغک اک تنها بر گوشه

سنه چکيلدى . برمدت ايچون اولسون بورياكار جمعيتدن اوزاق اولمق امله يشىللكلر
صياستكار دالرينك حمايه سنه التجا ايتدى . كنديسى بويجه پك بيكس حس ايدىوردى .
ناسنه مغلوب اوله رق اغلاماق ايچون جبر نفس ايدىور، پریشان ذهنى طوپلامغه غيرت
ايدىوردى .

زده اورۇباي غرامى؟ او حالا خيالىنه اويالانير كن باشنه نه مدهش برسيلديرم اينمشدى!
كوزلرني بردنبره بو آجى حقيقته آچق مجبوريتنده قالمى تكميل موجوديتنى لرزان ايتمشدى.
اورۇيانك بويله برفردايه منجر اوله جغنى هيچ ظن ايتمه مشدى! منسوب بولنديغى دولته
كنديسى ايچون اك عزيز اولان ملتك اره سنده محاربه! نه فلاكت . بونى ناصل تصور
ايدم بيليردى! پدرى در حال استعفا ايتمشدى . فقط استعفا سنى شاهك قبول ايتمه مى
بوشانسز وظيفه نك بتون مسئوليتنى ينه پدرينك دوش تحملنه يوكليوردى . روس انتريقه سنك
ملعونانه دسيسه لرى نتيجه سى اولان بومشكل وضعيتده پدرى ايكي فرقويه انقسام ايدن
ضابطانك اراسى بوله رق ايرانى بر كرداب مهلكدن تخليصه چاليشيوردى . كيجه يي
كوندوزه قاتارق بوتون قدرت و مهارتى صرف ايتمشدى . حال جداً وخيمدى . آه!
اوردوده كى بو اجنبى ضابطانك ، هله بويله بردشمن عنصرينك بولندير يله سى نه بيوك بر
فلاكتدى!

ژاله ، پدرينك افكارينه تماميله اشتراك ايدىوردى . ايكي اسلام دولتك بر بيله محاربه يه
كيرمى يوركنه قان آغلالتىوردى . اخوت اسلام اساسلرى بوميدى ؟ اتحاد ، مخادنت
امللرينك بويله خائن بردشمن اليه ييقيلمى رواميدى ؟ استقبال اسلام ايچون پرورده ايتديكى
او پارلاق اميدلر هپ روس دسيسه كاراني سايه سنده زيروزبر اولمشدى . برقچ كون اول
بويله بر حالك وقوعى تصور ايدمىز ، بوكا احتمال ويره مزكن بو كون فلاكت بتون
وضوحيله ، بتون آجيسيله كوزينك او كنده بر حقيقت اولمشدى! نه فاجعه! ژاله
ايكليوردى . بويله بر حربك داها بويوك مصيبتلر توليد ايدمىز جگنى دوشونه رك توحش
ايدىوردى . معزز داييسنه قارشى محاربه ايدن ده - و كيليسى فيروز ميرزا ايدى . قدرك
بو خانانه جلوه سنه ناصل تحمل ايدم بيله جكدى . بو مختلف حسلك تاثيرى آلتنده زبون
وپریشان ، بى تاب وتوان قالان كوكلنك فريادلرني نصل اسكات ايدمىز جكدى ؟ او كيجه
عشقيه وجدانك آراسنده مدهش بر مبارزه واردى . مختلف حسلك تصادمكاهى اولان
روحك عصيانلرني بو سرايده ناصل ستره موفق اولاجقدى ؟ ژاله بويله درين تفكراته

دالوب کیدرکن سازینه آهسته آهسته اجرای آهنگه باشلادی . فقط ژاله سازنده لرك چالقلری پشرونی ایشتمیوردی . او ، یالکزیشیللک لرك سایه حمایتنه صیغینمش حسیات قلبیه سنک ، موقعنک ، حیاتنک بویکی مجرای مغمومنی کدرله دوشونیوردی . ژاله بویله دالغین دالغین اوتورورکن دیگر طرفدن فیروز میرزا اونی ارامقله مشغولدی . صفه وصالونلرده اونی بولمینهجه لیمونلقدده اولمسنه احتمال ویرهرك او طرفه توجه ایتدی . خیلی دولاشدقدن صوکره نهایت لیمونلغک اک قویتو برکوشه سنده ، قیمتدار بر خرما آغاجنک یاننده ژاله بی کورنجه همان تلاشله « ژاله » دیدی دمندنبرو سنی ارایوردم ، یمکدن صکره نرمیه قاجدک؟ ژاله فیروز میرزایی قارشوسنده کوردیکی زمان شاشیروب متأثر اولدیسده اعتدال دمنی غائب ایتیهرك ایاغه قالقدی وپک محزون بر سسمله « حقیقت حالدن بر آن ایچون دور اولمق ایسته دمده اونک ایچون بورایه چککدم ، ویاننده کی قولتوغی کوسترهرك بیورمازمیسکز اقدام » دیدی . فیروز میرزا جواب ویرمیهرك اوتوردی ؛ ژاله بی اوزون اوزون سوزدی و غایت یواش برسسمله « ژاله » دیدی بویکیجه سن بی چیلدیره جقسک ، بونه حالدر ؟ اوچ کیجه اولکی خیالک کوزمک اوکنده تجسم ایتدکجه ، اومهتابلی کولک شعرینی یاد ایلدکجه مست اولیورم . حالبوکه شیمدی بکا قارشنی مرمر برهیکل قدر باردوریورسک . ارتق بی سومیورمیسک ؟ ژاله الله عشقنه سویله بی ارتق سومیورمیسک؟ دیه اضرار ایتدی . فیروز میرزاک سنسنده اودرجه هیجان و محبت واردی که ژاله تأثرینی ستر ایتک ایچون جبر نفس ایدیور ، درونی مجادله سنی کیزلمکه چالشیوردی : مرمردن هیکل او یله می ؟ قلبنه نفوذ ایدم بیلسمده کورسه . فقط ژاله اوزون دوشونمکه فرصت بولهمدی . چونکه قارشیسنده اوطوران سوکیلیسنک کوزلرنده نهایتسز بر صبرسزلق بلیریوردی . خلجان قلبنی تسکینه غیرت ایدرهرك « او کیجه بر رؤیا کورمشدم ، شمدی قارشیمده یورکی یاقان بر حقیقتدن باشقه بر شی بوله میورم ، کوزلرمی بولوحه حقیقته اوقادار نا کھانی بر صورتده آچغه مجبور اولدم که بوکالدم ، حالا اوسر سملکک تأثری آلتدیم » دیدی . فیروز میرزا تلاشله « امان ژاله او بر رؤیا دکل وقف حیات ایتدیکم بر حقیقتدر » دیه اعتراض ایتدی . ژاله اجی بر تبسمله « اکر بادی سعادتمز اولاجق حقیقت او ایسه هیهات نه درجه فانی ونه قدر آفل اولدی » دیدی . فیروز میرزا « ژاله جکر می یاقیور ، پارچه لیورسک بکا هیچ امنیتک قالمیدی؟ » دیه صورتدی . سسنده درین بریأس و الم نوحه سی واردی . ژاله برا زسکوت ایتد کدن صکره پک خفیف و مهتر برسسمله مجرای

حس و فکر من دکشدی . دیدی . فیروز میرزا تعجیله « ناصل ؟ بویله بر تبدله امکان وارمی ؟ » دیه حیرتی بیان ایتمی اوزرینه ژالدهده « سزک بو محاربه یه اشتراک ایتمه کز سزجه بوکا بر سبب کافی دکلی ؟ » سوزیله مقابله ایتدی . فیروز میرزا « بنم بر عسکر اولدیغمی واطاعته مجبور بولندیغمی دوشونمورمیسکز . » دیدی . ژاله ، اوت بیلورم فقط مسرت وافتخارکزی بو درجهده اظهار ایتمه احتیاج وارمی ؟ افغان امیرندن بو قدرمی استکراه دویویورسکز ؟ » دیه سؤال ایتدی . فیروز میرزا ایسه بر آاز ترددله « بوايلك سفرمدر ، موفق اولق ایسترم ، هم امیر افغان پک جنکاور ایمش ، اعلان حربه مجبوریت حاصل اولمش ، نه یاپه لم » دیدی . ژاله ایچنی چکدی فیروز میرزایه دقتله باقدی و ، « فیروز ، دیدی ، بیلله کز سزی نه قادار سویورم ! صاقین بو حسمدن دولای بکا قارشى حجابی باعث اوله جق بر حرکته بولنه یکز ، هلاکمه سبب اولورسکز ! سزی سودیکمه پشیمان اولیه یم . حیاته پک ارکن خاتمه چکمش اولورسکز ، یازیق دکلی ؟ اوت ، سزی سویورم ، جانمندن زیاده سویورم . ایشته بوايلك اعترافدر صوکنجیسی اولسنه سبیت ویرمه یکز ، سزی باشقه دفعه کوره جکمی یم بیلیمورم ، اونکچون بوکیجه سزه سویله جکارمه دقت ایدیکز ، فرصت دوشدکجه اطرافيله دوشونکمز امینم که محکمه وجدانکزده بکا حق ویره جکسکز . دیکله یکز : عموجا کز بو محاربه یی موسقوفلرک تشویقیله اعلان ایتدی . اونلرک تزویرانه قایلدیغی ایچون بو قادار عسکر قربان اوله جق مسلمان قانی آقه جق . باری بو آقان قانلر بر جهاد مقدس بر فتح مین ایچون اولسه یدی . بوکیدن قربانلر شانلی بر سبب اوغورینه کیدر ، شهدای اسلام صره سنه کچر لردی . حالبوکه بو حربک ثمره سی نه اوله جق ؟ ایکی اسلام ملتی اراسنه انتقام تخمنی اکمک ، آتش کین وعداوتی بیوده یره آلوندیرمکدن بشقه نه یه یرایه جق ؟ .. بونک استفاده نره سنده ؟ موسقوفلره کلنجه اونلر کندی پلانلرینی تطبیق ایدیورلر . مسلمانلر اراسنده تفرقه وجوده کتوره رک مملکتلرینه خدمت ایدیورلر امللرینه نائل اولیورلر . حيله و خدعه ایله اولمش ، خیانتله اولمش نه بأس وار کندیلرنجه فدا کارلغی موجب اولمادن مقصدلرینی استحصال ایدیورلر آبو کافی دکلی ؟ یالکمز تأسف اولنه جق جهت عموجه کزک بودسیسه کارلرک سوزلرینه قاپلسیدر . الله ویره ده محاربه دن صوکره بزى ضعيف بولوبده روسلر اوزرمنه صالديرمه ! او زمان عاقبتک نه اوله جق تخمین ایده میورم . هله سزک دایمی پریشان ایتمه کیده جککزی دوشوندکجه ، نه قدر توحش

ایدیورم ، نه درجه قتالاشیورم ! جهانده قدرك بوندن بدتر بر جلوه سی تصور اولنور می؟
ظفر کزله مباحی اوله میه جغم ، غازیلك رتبه کزه سینه میه جگم ، چونکه قوتکزی
کندیگز دن ضعیف بر دینداشك اوزرنده تجربه ایتکزی بر مزیت بر علو جناب عد
ایدهم ! بو بر شرفیدر ؟ هم دایم سزه نه یامشیدی ؟ او صلاحپرور محب سکون بر
حکمداردر ! زواللی دایم کاشکه یاننده اوله یدم . غالب اولاجفکزی طبیعیدر . فقط فیروز
شونی ده ایوجه بیلکیزی که مظفر اولقله کوزمده هیچ اعتلا ایده مزسکزی ... حتی شاید
منهزم اولورسه کرظن ایدیورم که عادتاً سینه جگم . « ژاله نك بو صوك سوزینی ایشیدنجه
فیروز میرزا حرارتله اتیلدی . یوق ژاله بو تجاوزه بو سوزلره تحمل ایده م . سن بر عجم
قیزینك ، سنده وطنك موفقیتنی جان کوکلدن دیله ملیسك ! » دیدی . فقط ژاله متانتله
« والدهم افغان امیرینك همشیره سی ایدی . بن اورایه بیك باغله مربوطم ، دامارلرمده
جریان ایدن قان یالکزی عجم قانی دکلدر . بو کیجه بوتون موجودیم حال غلیانده ، انسان
قانه چکرمش ... هر حالکزی اتهام ایتمکدن کندمی اله میورم حقسزسکزی ، دیدی . فیروز
میرزا ژاله نك النی یاقالایه رق « ژاله ارتق کس بوسوزلری دوام ایتمه ! بندن ایرلیدیغنی حس
ایدیورم ، چیلدیره جغم ، افکار مزده مخالفت وار اکلایورم ؛ لکن داها ایلری به وارمیه لم .
اعتراف ایده رم که بو محاربه نك اعلانی برخطا اولدی . فقط بنی نه اتهام ایدیورسك ، بنم
بونده نه دخل و تأثیرم وار ؟ » دیدی . ژاله « محاربه به شوق و شطارتله کیدیورسکزی .
اونکچون بو حرب خبرینك بنی نصل صارصدیغنی کور میورسکزی ! سزه ذره قدر بر تأثیر
ایتمدی . یاخود داها طوغریسی حسن تأثیر ایتدی » دیدی . فیروز میرزا « ژاله ، عجبا
بی آرتق هیچ سومیورمیسك ؟ » دیه صوردی . ژاله براز سکوندن صوگرا « مع الاسف
سزی حالاسویورم او یله علوی ، او یله پارلاق براتش عشقه سویورم که بو کیجه به قدر بونی وجدانه
قارشى بیله اعتراف ایتمه مشدم ... شیمدی بو عشقم تزلزله اوغرایه جق دیه قورقیورم
تره یورم . بیلسه کز نه عمیق بر بحران حسی ایچنده بهوشم . آد فیروز ناصیل اولیورده
حالی آکلایورسك ؟ بو سرایده کی موقعمك نازک لکلی کفی کوز کزك اوکنه کتبرکزی !
شیمدن صوکره حیاتمك هر کونی زهرلنوب کیده جك ، سزی تهله کده بیامك ، دایمی
مغلوب اولمش تصور ایتمك ، و بو اضطرابلرله بو محیطده هر کون یاره لقمی نه تحمل اولنماز
شی ، آخرت عذابى قدر آجی ! ، فیروز میرزا اکیلدی . آووچنك ایچنده طوتدیغنی ژاله نك

بوز کبی صغوق ألفی اشتیاقله اوبدی ژاله دوام ایدیوردی : «سزی سودیکم گوندنبری روحم قنادلانمغه باشلادی، عشقم بی براق نورانی سهاره پرواز ایتدیردی . عشقم تزیاید ایتدیکجه بنده او نسبتده یوکسکاره ارتقا ایتدم . آسمانک نامتناهیلکهرینه اعتلا ایتدم . تکمیل موجودیتم نورلره بوروندی . آه فیروز شیمدی ولو غیر اختیاری بیله اولسه قنادلرمی قیرمایکنز چونکه بن قیریق قنادلرله یاشایم ... یارین محاربه یه کیده جککیز ایچون بونلری سزه سویلیورم چونکه بلکه بر داهای سزی کورم دیدی .»

ژاله نک کوزلری حسیاتنک معکسی اولمشدی . ایکی آلو کبی پارلیوردی . بو ائنده سازنده لر ایرانک پک اسکی برملی هواسنی چالغیه باشلادیلر . فیروز میرزا ایله سسوکیلیسی نغمه لریک احتوا ایتدیکی شعر حزنی ساکتانه دیکله دکری صررده ماه نور سلطانک سسنی ایشیتدیلر . وکندیلرینه طوغری کلکده اولدیغی کوردیلر . فیروز میرزا هان آباغه قالدی وهیچ برسوز سویله میهرک ژاله بی مشتاقانه درآغوش ایدهرک تلاشه لیمونلغک دیگر قانی سنه دوغری ایلرولدی . وداعلری بوندن عبارت اولمشدی . فقط ژاله فیروز میرزانک آرقه سندن قوشه رق «اه عشقنه فیروز دایمه طوقومنه ، سنی ده اللهک برلکنه امانت ایتدم .» دیه یالواردی . لکن فیروز میرزا سسنی ماه نورسلطان ایشیتدیرمه مک ایچون ژاله یه جواب ویرمه دن فرط خلجانله قاپی بی ارقه سندن سرعتله قیادی . کوکلنده ماه نور سلطانک ناز واعتنا سنه تحمل ایدهرک صبر و متانتک ارتق توکنمش اولدیغی حس ایتمشدی . دعوتلیرله کوروشمه دن سلاملقدکی اقامته مخصوص بلوکنک سکوننه التجا ایلدی . ایرتسی کونی ده سفره عازم اولدی .

مابعدی وار . قریه یه صبی

آنادولو جوغرافیاسنه سطحی برباقیش

DieaurPoic Banse نامنده کی

اثرندن بالتعدیل اقتباس صورتیه !

تورکیا آسیای چوشقون کوپوکلکی صولریله قایالر، چاقیلر اوستنده کردابیلر وجوده کترین دار وادیلری چوق ، کچیدلری بول برمملکتدر . مع الاسف بومملکتده نه اوقدر چوق شهراوه حتی نه ده قالی یوللره تصارف ایدرز . دیملری ، چایلری ، ایرماقلری